



O‘ZBEKISTON RESPUBLIKASI SAMARQAND VILOYATI HOKIMINING QARORI

Samarqand sh., Ko‘ksaroy maydoni, 1-uy.

2022 - yil 12 - noyabr

435-7-0-Q/22

Samarqand viloyat hokimligi

**Ўзбекистон Республикаси Вазирлар Маҳкамасининг 2022 йил 8 ноябрдаги
“Маҳаллаларда хотин-қизларнинг бандлигини таъминлаш ва саломатлигини
мустаҳкамлаш марказлари фаолиятини ташкил этиш чора-тадбирлари
тўғрисида”ги 650-сонли қарори ижросини таъминлаш тўғрисида**

Жамиятда хотин-қизларнинг ижтимоий ва иқтисодий фаоллигини ошириш, уларни касбга ва тадбиркорлик кўникмаларига ўргатиш орқали бандлигини таъминлаш ҳамда саломатлигини мустаҳкамлаш ишларини маҳаллаларда ташкил этиш мақсадида

ҚАРОР ҚИЛАМАН:

1. Ўзбекистон Республикаси Вазирлар Маҳкамасининг 2022 йил 8 ноябрдаги “Маҳаллаларда хотин-қизларнинг бандлигини таъминлаш ва саломатлигини мустаҳкамлаш марказлари фаолиятини ташкил этиш чора-тадбирлари тўғрисида”ги 650-сонли қарори ижро учун қабул қилинсин.

2. Вилоят ҳокимининг ўринбосарлари (Ж.Ураков, З.Рахманова), Давлат активларини бошқариш агентлигининг вилоят ҳудудий бошқармаси (С.Махмараимов), вилоят Маҳалла ва нуронийларни қўллаб қувватлаш бошқармаси (И.Джабборов), Давлат солиқ қўмитаси ҳузуридаги Кадастр агентлиги вилоят бошқармаси (М.Қувондиқов), туман ва шаҳар ҳокимлари билан биргаликда бир ой муддатда:

марказлар биноларини барпо этиш учун ҳар бир маҳалладан 300 квадрат метргача бўлган ер майдонини доимий фойдаланиш ҳуқуқи асосида ёки бўш турган давлат мулки объектларини оператив бошқарув ҳуқуқи асосида маҳалла фуқаролар йиғинларига ажратсин;

кадастр ҳужжатларини расмийлаштиришни ташкил этсин;

белгиланган муддатларда ажратилган ер майдонларида ёки бўш турган давлат мулки объектларида марказларни қуриш ҳамда тўлиқ жиҳозлаш чораларини кўрсин.

3. Вилоят ҳокимининг биринчи ўринбосари (Ж.Ураков), вилоят ҳокимининг ўринбосари, Оила ва хотин-қизлар бошқармаси бошлиғи (З.Рахманова), вилоят Маҳалла ва нуронийларни қўллаб қувватлаш бошқармаси (И.Джабборов), вилоят Тадбиркорликни

ривожлантириш ва маҳаллабай ишлаш агентлиги (Б.Рофеев), Давлат активларини бошқариш агентлигининг вилоят ҳудудий бошқармаси (С.Махмараимов), Савдо-саноат палатаси вилоят бошқармаси (Ш.Шодиев) билан биргаликда марказлар биноларини тадбиркорлик субъектларига белгиланган тартибда ижарага бериш ҳамда марказлар фаолиятини ташкил этиш ва ривожлантиришда маҳаллаларга кўмаклашсин.

4. Вилоят ҳокимининг ўринбосари, Оила ва хотин-қизлар бошқармаси (З.Рахманова), вилоят Бандлик бош бошқармаси (Н.Сулаймонов), Ёшлар ишлари агентлиги вилоят бошқармаси (Х.Тўхтаев) марказларда муайян касбни ўрганиш истагида бўлган, айниқса, “Аёллар дафтари”га киритилган ишсиз, эҳтиёжманд хотин-қизлар рўйхатини шакллантириб, уларни марказларда банд қилиш ва касб-хунар ўргатиш учун зарур чораларини кўрсин.

5. Вилоят Соғлиқни сақлаш бошқармаси (Д.Жуманиёзов), вилоят Спортни ривожлантириш бошқармаси (Ш.Рўзиев), шаҳар ва туман ҳокимликлари билан биргаликда маҳаллаларда соғлом турмуш тарзини шакллантириш ва хотин-қизлар саломатлигини мустаҳкамлаш мақсадида марказларда ташкил этиладиган фитнес, шейпинг каби соғломлаштириш машғулотларини ташкил этишга кўмаклашиш чораларини кўрсин ҳамда хотин-қизларни машғулотларга жалб этиш бўйича зарур чора-тадбирларни амалга оширсин.

Бунда, мазкур чора-тадбирлар доирасида ҳар бир маҳаллада мунтазам равишда патронаж тиббиёт ходимлари ва шаҳар туман спортни ривожлантириш бўлимларининг вакиллари маҳалла хотин-қизлар фаоллари билан ўзаро ҳамкорликда маҳаллада соғлом турмуш тарзини шакллантириш, хотин-қизлар саломатлигини мустаҳкамлаш бўйича марказларда ташкил этилаётган жисмоний тарбия-соғломлаштириш машғулотларидан фойдаланиш юзасидан тавсиялар бериб борилишини таъминласинлар.

6. Мазкур қарорнинг ижросини назорат қилиш вилоят ҳокими ўринбосари, Оила ва хотин-қизлар бошқармаси бошлиғи З.Рахманова зиммасига юклатилсин.

Вилоят ҳокими



Э.Турдимов